

天喜四 備中掾正六位上赤染宿禰色經 去年內給

永久四 伊豫大掾正六位上紀朝臣爲眞 天永三年內給

可勘給否 件內給，去年天永二年未補。

正六位上紀朝臣爲眞

望伊豫大掾

右去天永二年未補，以件人可任之。

永久四年十二月廿一日

〔吾妻鏡^{四十}〕建長三年十二月九日庚子野本次郎行時名國司所望事，父時員任能登守之時，不付成功，直令解除之上者，如彼例可爲臨時內給之由申之，爲清左衛門尉奉行，今日有沙汰，其父時員屬越後入道勝圓在京之時，被內舉自然令任歟，被堅法之後者，不足爲例之間，輒巨覃許容之旨被仰出，又臨時內給事，於三分官等者，依事體可被申請之，至國司以上者，可被停止其競望之由云云。

〔親長卿記〕文明七年二月一日參內 ○中略

近江權掾櫻井松忠 ○當年內給

但馬權守源重正 ○臨時內給

〔本朝世紀〕天慶五年四月九日壬戌，此日有勅，召內給所錢百貫文，爲使藏人所雜色等，差小舍人并諸衛物節分給東西飢饉疫疾之輩。

〔小右記〕天元五年二月十日癸酉，參殿 ○藤原賴忠 申昨日勅命 ○圓融 旨被奏云，豐樂院等修理事，欠亡大事，

可令諸卿定申者也者，被仰云，羅城門武德殿等，同可在此中者，又被仰云，圓融寺御堂造畢云々，去年以往有非常事，不能臨幸，來月欲幸如何者，被申云，於御願處無妨臨幸，左右隨旨而已者，依入夜不能歸參，南殿壁代料絹，召內給所可奉之由，即被奏聞，十二日乙亥，仰云，明日可有御遊腰插可召候者。

內給所